

Փաստաբանների պալատում գումարներ են փոշիանում

06.09.2013 13:53

ՀՀ փաստաբանների պալատի նախագահի թեկնածու Տիգրան Աթանեսյանը խոստանում է ընտրվելու դեպքում փաստաբանների պալատում ֆինանսական ստուգումներ անցկացնել: Նա ուսումնասիրություն է անցկացրել և հետաքննությամբ պարզել, որ պալատի եկամուտը տարեկան կազմում է 1 մլն դոլար, որից շուրջ 350 հազար դոլարը՝ տարեկան, օդի մեջ է մնում:

Այսօր լրագրողների հետ հանդիպման ժամանակ փաստաբանը հայտարարեց, որ պալատի նախագահի երկու ընտրությունների ժամանակ ընտրել է Ռուբեն Սահակյանին, սակայն փոշիացվող գումարների մասին կասկած անգամ չի ունեցել: Աթանեսյանը, սակայն, հստակ ապացույցներ չունի, որ պետությունից պալատին տրամադրվող գումարները վատնվել են, քանի որ ՓՊ-ն ֆինանսական շատ հաշվետվություններ փակ է պահում: «Ես չեմ պնդում, որ կա հանցագործություն, ես պարզապես ասում եմ, որ կասկածներ ունեմ», - ասաց նա և հույս հայտնեց, որ իր կասկածները ճիշտ չեն լինի:

Նա նաև ընդգծեց, որ, անկախ ընտրությունների արդյունքներից, հետամուտ է լինելու, որպեսզի բացահայտվի պալատի ֆինանսական գործունեությունը: Անդրադառնալով քարոզարշավի ընթացքում իր հասցեին հնչած մեղադրանքներին՝ Աթանեսյանը ասաց, որ պատրաստ է մյուս երկու թեկնածուների հետ հեռուստաբանավեճի մեջ մտնել, իսկ այլ ձևաչափով հանդիպումների չի մասնակցի:

Փաստաբանների պալատի նախագահի ընտրությունը կայանալու է սեպտեմբերի 14-ին: Որպես նախագահի թեկնածուներ՝ գրանցվել են 4 փաստաբաններ՝ Արա Զոհրաբյանը, Կրոմվել Գրիգորյանը, Տիգրան Աթանեսյանը, Աշոտ Թադևոսյանը: Վերջինս, սակայն, հանել է իր թեկնածությունը: Փաստորեն, ընտրապայքարն ընթանալու է 3 փաստաբանների միջև:

Աղբյուրը՝ <http://www.yerkir.am/am/news/54795.htm>

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```